



АКАФИСТ
СВЯТИТЕЛЮ СПИРИДОНУ
ТРИМИФУНТСКОМУ,
ЧУДОТВОРЦУ

Тропарь, глас 1

Совора Перваго показался
еси поборник и чудотворец,
богоносе Спиридоне, отче наш.

Темже мертвѹ ты во гробѣ возгласив
и змию в злато претворил еси,
и вегда пѣти тебе святыя молитвы,
Ангелы сослужащия тебе
имел еси, священнейший.

Слава Давшему тебе крепость,
слава Венчавшему тя,
слава Действующему тобою
всем исцеления.



АКАФИСТ

святителю Спиридону Тримифунтскому, Чудотворцу

Кондак 1

Препрослáвленный от Гóспода святителю
и чудотвóрче Спиридóне! Нýне всечестнóу
пáмять твою прáзднующе, я́ко мно́го могúщему
споспéшествовати нам о прослáвльшем тя Хри-
стé, умíльно вопиém ти: избáви нас от всяких бед
и зол, да с благодарéнием зовém ти:
Рáдуйся, Спиридóне, предíвный чудотвóрче!

Икос 1

От юности украшénный всёми добродéтельми,
житиém своим Ангелом подражáвый, ты, святителю
Спиридóне, во́истинну показáлся еси́ друг Хрис-
тóв; мы же, зряще тя, небéснаго челове́ка и земна́го
Ангела, со благоговéнием умíльно вопиém ти:

Рáдуйся, úме, созерцáяй та́йны Пресвяты́я
Тро́ицы; рáдуйся, обогатíвыйся Дúха
пресвётлым осия́нием.

Рáдуйся, свети́льниче многосвётлый; рáдуйся,
ум тво́й безстра́стием просветíвый.



Ра́дуйся, измла́да и́стинную простоту́ и
безмо́лвие возлю́бивый; ра́дуйся, украше́ние
целому́дрия.

Ра́дуйся, любве́ неисто́щима́я струя́; ра́дуйся,
я́ко страннолю́бию Авраа́ма подража́л еси́.

Ра́дуйся, я́ко всем любвеобильно вхо́ды
до́ма свое́го отверза́л еси́; ра́дуйся, ни́щих
предста́телю.

Ра́дуйся, пред ни́мже благоговéют лю́дие; ра́-
дуйся, я́ко ты еси́ обита́лище Пресвята́го Ду́ха.

Ра́дуйся, Спиридо́не, предивный чудотво́рче!

Кондак 2

Ви́дяще о́стров Кипр и вся христиа́нская
ста́ны нетле́нная мо́щи тво́я, святите́лю, от ни́хже
истека́ют оби́льная исцелéния, возра́довашася; и
мы, почита́юще тя я́ко преоби́льного исто́чника
благода́ти, низпо́сланнаго Свы́ше нам, вопие́м к
Верхо́вному Подáтелю небе́сных и земны́х благ:
Аллилу́иа.

Икос 2

Ра́зум Божéственный имый, а́ще сый
па́стырь безсловéсных овец, ты произво́лением
Пастыренача́льника Христа́ избра́н был еси́ в
па́стыря овец словéсных. Ве́рнии же, разумéвше



тя добраго пастыря, неусыпно о стаде своём пекущагося, воспеваху:

Ра́дуйся, архиере́е Бо́га Вы́шняго, в хиротонии восприя́вый оби́льно Божество́нную благода́ть; ра́дуйся, свети́льниче много-свѣтлый, горя́й и светя́й.

Ра́дуйся, ве́рный де́лателью в вертогра́де Христо́вом; ра́дуйся, па́стырю, на па́жити ве́ры и благоче́стия па́ству свою́ воспита́вый.

Ра́дуйся, сия́ньми добродѣтелей твои́х мир просвеща́вый; ра́дуйся, Престо́лу Христо́ву Божество́нную Же́ртву приноси́вый.

Ра́дуйся, иерар́ше, разумѣнием Правосла́вия украше́нный; ра́дуйся, апо́стольскаго уче́ния исполненный, ве́рных струя́ми спаси́тельнаго уче́ния напая́й.

Ра́дуйся, я́ко и му́дрых озари́л еси́; ра́дуйся, я́ко и простых серде́ц обновил еси́.

Ра́дуйся, сла́во правосла́вных и Це́ркве непоколеби́мое утвержде́ние; ра́дуйся, украше́ние отце́в, сла́ва и похвало́ иереев благоговѣ́йных.

Ра́дуйся, Спиридо́не, предивный чудотво́рче.

Кондак 3

Си́лою Вы́шняго, осени́вшею ты, святителю Спиридо́не, богому́др ты показáлся еси́ и, сжа́вши



дланию глину, троичность Лиц всем очевидно уяснил еси: темже лжемудрии философи, собравшись на Соборе, ужасошася, вернии же непостижимаго прославиша Бога, умудрившаго тя во спасение, вопиюще Ему: Аллилуиа.

Икос 3

Имеюще тя в помышлениях своих вси отцы Собора проста, неискусна в книжном учении, молиша тя, отче Спиридоне, не препираться словесы с ветиею, мнящимся мудр быти. Ты же, святителю, ревностию по Бозе распалаемый, веруя, яко проповедь Христова не в препретьельных мудрости человеческия словесех, но в явлении духа и силы, премудре того обличив, вразумил и на путь истинный наставил еси. Вси, видевше чудо сие, зываху:

Радуйся, свете православныя мудрости; радуйся, яко глаголемых быти мудрых совопросников посрамил еси.

Радуйся, источниче, благодатию обильный; радуйся, непоколебимый столпе, твердо содержащий сущих в вере.

Радуйся, омрачаяй всепагубную ересь; радуйся, чрез негоже попрано бысть безумие. Радуйся, яко персть земная проповеда твоима рукама Святую Троицу; радуйся, яко из глины



извёл еси́ огонь и во́ду во утвержде́ние догмата́
Святы́я Трои́цы.

Ра́дуйся, я́ко просвети́л еси́ лю́ди сла́вити
Сло́во, вои́стинну единосúщенное пребез-
нача́льному Отцу́; ра́дуйся, я́ко зми́еву главу́
па́губныя А́риевы е́реси порази́л еси́.

Ра́дуйся, я́ко тобою́ пожёрта бысть зло́ба;
ра́дуйся, невёрнаго мудреца́ совопро́сника к
исти́нной ве́ре обрати́вый.

Ра́дуйся, Спиридо́не, предивный чудотво́рче.

Кондак 4

Жизнь проводи́ в убо́жестве и нищете́, ни́щим
и бе́дным был еси́ пита́тель и помо́щник и, любве́
ра́ди к ни́щим, зми́я в зла́то преложи́л еси́ и дал
еси́ о́ное тре́бующему твоея́ по́мощи. Дивя́щесе
о чудеси́ сем, благодарственно вопи́ем к Бо́гу:
Аллилу́иа.

Икос 4

Слы́шано бы́сть всем и всю́ду, я́ко святите́ль
Спиридо́н вои́стинну есть жили́ще Святы́я
Трои́цы: всели́ся бо в нем Бог Оте́ц, Бог Сло́во и
Бог Дух Святы́й. Сего́ ра́ди ты словесы́ и дея́ньми
пропове́дал еси́ всем христиа́ном воплощённаго
исти́ннаго Бо́га, вопию́щим:



Ра́дуйся, словес Бóжих та́инниче; ра́дуйся, домостро́ительство Бóжие о спасе́нии ми́ра уясни́вый.

Ра́дуйся, я́ко научи́л еси́ не испы́товати е́же есть превы́ше ра́зума и му́дрости челове́ческа; ра́дуйся, непостижи́мую де́йствующую в тебе́ си́лу Бóжию яви́вый.

Ра́дуйся, я́ко уста́ми твои́ми провещá Сам Бог; ра́дуйся, я́ко вси послу́шаху тебе́ в сла́дость.

Ра́дуйся, мглу идолослужéния разгна́вый; ра́дуйся, я́ко мно́гих к и́стинней véре привел еси́.

Ра́дуйся, я́ко главы́ невидимых зми́ев порази́л еси́; ра́дуйся, я́ко тобо́ю прославля́ется véра христиа́нская.

Ра́дуйся, я́ко свéтло озаря́еши всех ублажа́ющих тя; ра́дуйся, побóрниче христиа́нска véры и Правосла́вия.

Ра́дуйся, Спиридо́не, предивный чудотво́рче.

Кондак 5

Божéственнаго Ду́ха преиспо́лнен был еси́, святителю Спиридо́не, ра́ди добродéтельнаго жити́я твоего́; занé кро́ток, ми́лостив, чист се́рдцем, терпели́в, непамятозло́бив, страннолю́бец был еси́: сего́ ра́ди Творе́ц и в чудесéх пресла́вна по-



казá ты. Мы же, прославляя Бóга, прославльшаго ты, вопиём Ему́: Аллилу́иа.

Икос 5

Равноа́нгельна Спиридо́на зрим, вели́каго чудотво́рца. Не́когда страна́ от бездо́ждия и за́сухи вельми́ пострада́: бысть глад и я́зва, и мно́гое мно́жество люде́й умро́ша, моли́твами же святи́теля снѣде с небесе́ на зѣмлю дождь; лю́дие же, изба́вьшесе от бе́дствия, благодарственно взыва́ху:

Ра́дуйся, вели́кому проро́ку Или́и уподо́бивыйся; ра́дуйся, я́ко дождь, отъѣмлющий глад и недуги, благовре́мение низвѣл еси́.

Ра́дуйся, па́ки моли́твами свои́ми не́бо заключивый; ра́дуйся, я́ко немилосѣрдаго купца́ лишѣнием имени́я наказáл еси́.

Ра́дуйся, я́ко тре́бующим пи́щу обильно дарова́л еси́; ра́дуйся, я́ко любоблагоутро́бие Бóга к лю́дем подвижа́еши.

Ра́дуйся, взѣмляй не́мощи немощных; ра́дуйся, богоблагодáтный челове́ком помощниче.

Ра́дуйся, боля́щим здравие подава́яй; ра́дуйся, его́же трепещут дѣмони.

Ра́дуйся, безчи́сленных чудѣс исто́чнице.

Ра́дуйся, Спиридо́не, предивный чудотво́рче.



Кондак 6

Завеса ветхозавѣтной скинии закрываше во Святаѣя святыхъ ковчегъ, манну и скрижали. И храм твой, святителю Спиридоне, имѣетъ раку твою, яко ковчегъ, святыя мѡщи твоѣя, яко манну, сердце твоѣе, яко скрижали Божественная благодати, на нихже зрим начертанную песнь: Аллилуиа.

Икос 6

Народъ Кіпра некогда за умноженіе беззаконий наказá Господь безплодиемъ земли. Егда же прииде къ святому Спиридону знаемый земледѣлецъ, просѣя помощи, даде ему святыи злато; минувшу же бѣдствию, земледѣлецъ оный возврати паки злато, и, о чудесе! — злато змий бысть. Прославляюще Бога, дивнаго во святыхъ Своихъ, вопиемъ:

Радуйся, яко Моисею, чудесно преложившему жезл в змія, подражалъ еси; радуйся, человеколюбивый пастирю, избавляяи отъ бедъ словесныя овцы стада своего.

Радуйся, обильно всехъ всеми благами обогащай; радуйся, яко Иліа, бѣдныхъ питаый.

Радуйся, немилосердыхъ къ милосердию обращаай; радуйся, достоподражаемый примѣръ любви для человековъ, въ міре живущихъ. Радуйся, верныхъ и неверныхъ въ бѣдахъ утешѣ-



ние; раду́йся, дре́во сенноли́ственное, град и страну́ осеня́ющее.

Раду́йся, сла́во и похвало́ керкиря́н; раду́йся, над вла́гою и су́шею, знóем и хла́дом благода́тию Бóжиею влады́чествуяй.

Раду́йся, уста́вы земли́ моли́твою пременя́яй; раду́йся, бу́дущая, я́ко настоя́щая, прови́девый.

Раду́йся, Спиридо́не, предивный чудотво́рче.

Кондак 7

Хода́тай пред Го́сподем за всех яви́лся еси́, святите́лю Спиридо́не: сегó ра́ди и мы прибега́ем под кров твой, и́щуще спасе́ния, вси бо помо́шника тебе́ и́мамы во всех ну́ждах, во вре́мя гла́да, смертоно́сныя я́звы и во вся годи́ны бед и искуше́ний. Сегó ра́ди благодарственно вопие́м Бо́гу: Аллилу́иа.

Икос 7

Но́вое чу́до ви́дим и боголе́пное; егда́ ты, óтче, ше́ствовал изба́вити непови́нно осужде́ннаго на смерть, бу́рный пото́к прегради́ путь тебе́; ты же и́менем всемо́гущаго Бо́га повелел е́му ста́ти и прешел еси́ со спу́тники чрез ре́ку, я́ко по су́ху. Сла́ва о сем чудеси́ распространи́ся всю́ду, и вси просла́виша Бо́га, вопию́ще к тебе́:



Ра́дуйся, я́ко иногда́ Иису́с Нави́н чрез Иорда́н, ре́ку по су́ху преше́дый; ра́дуйся, ре́чная устремле́ния гла́сом своимъ укроти́вый. Ра́дуйся, я́ко тру́дный путь предпри́ял еси́, двíжимый милосе́рдием; ра́дуйся, я́ко клевету́ разруши́л еси́ и непови́ннаго от уз темни́цы и напрáсныя сме́рти изба́вил еси́.

Ра́дуйся, жи́зни по Бо́же благи́й поспе́шниче; ра́дуйся, непови́нно угнетённых защити́телю.

Ра́дуйся, уста́вов естества́ во́днаго премени́телю; ра́дуйся, я́ко суди́ю вразуми́л еси́ и от убийства спасл еси́.

Ра́дуйся, и́стинное исправле́ние душ; ра́дуйся, дивна́я си́ло, пото́ки уде́ржавающая.

Ра́дуйся, услажда́ющий сердца́ челове́ков, к тебе́ притека́ющих; ра́дуйся, человеколю́бию Авраа́ма подража́телю.

Ра́дуйся, Спиридо́не, предивный чудотво́рче.

Кондак 8

Стра́нник и пришле́ц был еси́ на земли́, я́коже и прóчии челове́цы. Оба́че из чре́ва ма́тере Всеве́дущий вели́каго уго́дника и чудотво́рца пока́зá тя, святи́телю Спиридо́не: бе́сы бо изгоня́еши, всякую́ боле́знь и я́зву исцеля́еши, помышле́ния люде́й зри́ши, те́мже и дивен во святы́х показáлся еси́. Мы же, возсыла́юще



молітву ко Благодателю всех Бóгу, вопиём ему́:
Аллилу́иа.

Икос 8

Весь мир ўжасом мно́гим содрогну́ся, егда́ услы́ша, я́ко смерть, по гла́су твоему́, возвращает из гробов мертвецы́ своя́, и возопі:

Ра́дуйся, уме́ршую дочь свою́, да яви́т вруче́нное ей сокровище, к жи́зни возвавый; ра́дуйся, ско́рбную вдови́цу, на сохране́ние зла́то вда́вшую, утешивый.

Ра́дуйся, уме́ршее отроча́ из ме́ртвых воскресивый; ра́дуйся, я́ко ма́терь его́, внезапно от ра́дости уме́ршую, ожививый.

Ра́дуйся, я́ко уподо́бился еси́ Или́и, моли́твами сы́ну Сарептския жены́ жизнь возврати́вшему; ра́дуйся, я́ко и Елисе́ю, возбуди́вшему от сме́рти отроча́ подража́л еси́.

Ра́дуйся, па́стырю, при́скренне лю́бящий челове́ки; ра́дуйся, женé блудни́це, слеза́ми носé твои́ омывшей, грехи́ и́менем Бóга отпусти́вый.

Ра́дуйся, святу́ю ре́вность верхо́внаго апо́стола стяжавый; ра́дуйся, я́ко нераска́янная грешни́ца, по глаго́лу твоему́, в тяжких болезнех у́мре.

Ра́дуйся, земли́ плодоносіе моли́твами



твоими испросивый; радуйся, непреложное воскресения человеков уверение.

Радуйся, Спиридоне, предивный чудотворче.

Кондак 9

Духа Божественнаго осияньми озарен был еси, святителю Спиридоне, имел бо еси духа премудрости, яко мудрыми словесы безумных обуил еси и посреде отцев веру утвердил еси, духа разума, яко умы омраченныя озарил еси; духа страха Божия, яко вину делания богоугодными душу очистил еси. Темже, представ Престолу Вышняго, с сонмом Ангелов воспеваеши Ему: Аллилуиа.

Икос 9

Жезл пастыря словесных овец от Пастыреначальника Господа Иисуса приемый, святыи Спиридон не премени жития своего: нестяжателен, кроток, любве ради вся терпий, не постыдеса пещися и о стаде безсловесных овец. Вся сия возбуждают нас славити Бога и взывати тебе:

Радуйся, славу мира сего яко суетную презревый; радуйся, мзду многу на небесех стяжавый.

Радуйся, красная мира сего в уметы вменивый: радуйся, сосуде небесных благ.



Ра́дуйся, святѣйшая па́жите кипри́отов; ра́дуйся, я́ко тебѣ ра́ди Бог хи́щников овец твои́х невидимыми у́зами связа́.

Ра́дуйся, та́тем оте́ческое вразумле́ние препода́вый; ра́дуйся, по милосе́рдию твоemú за проведе́нную без сна но́щь о́вна им дарова́вый. Ра́дуйся, непослуша́нием ко́злица, я́ко бы ра́зум иму́щаго, купца́, утай́вшаго це́ну его́, обличи́вый; ра́дуйся, утай́вшаго сре́бреники твоя́ к пока́нию приведе́й. Ра́дуйся, я́ко стра́сти корыстолю́бия увеща́нием своим исцели́л еси́ его́.

Ра́дуйся, Спиридо́не, предивный чудотво́рче.

Кондак 10

Спаса́яй ду́ши па́сты, Бо́гом тебѣ ввѣренныя, ты, святителю Спиридо́не, произволе́нием Бо́жиим, зван был еси́ явити сла́ву свою́, па́че же сла́ву и́стиннаго Бо́га, и в ины́я страны́, да всю́ду сла́вят и́мя Бо́жие, вопиюще: Аллилу́иа.

Икос 10

Ско́рый помо́щник и засту́пник во вся́ких ну́ждах и ско́рбех, святы́й Спиридо́н, по повеле́нию цареву́, я́коже и прочий па́стыри, при́иде во град Антиохію́, иде́же бе одержи́мый болѣзнию́ царь Константи́й; святитель главы́ его́ косну́ся и сотво-



ри здрава. Сему чудеси дивящися, вопиём ти:

Ра́дуйся, е́гоже в со́нном видѣнии А́нгел, я́ко
целителя, яви́ царю; ра́дуйся, Божѣственныя
ра́ди любве́ трудный путь в ста́рости
восприя́вый.

Ра́дуйся, цареву рабу́, уда́рившему тя в ланиту,
по за́поведи Спасителя, другу́ю подста́вивый;
ра́дуйся, сто́лпе смире́ния.

Ра́дуйся, моли́твами свои́ми слѣзно
прося́щему царю́ здравие дарова́вый; ра́дуйся,
я́ко уничиже́нием своим раба́ вразуми́л еси́ и
неми́лостивый нрав е́го пременя́л еси́.

Ра́дуйся, я́ко благоче́стию и милосе́рдию царя́
научи́л еси́; ра́дуйся, я́ко, ненави́дяй земна́я
сокро́вища, зла́то царя́ отвѣргл еси́.

Ра́дуйся, я́ко ученика́ своего́ Трифи́ллия от
пристра́стия к земны́м блага́м отврати́л еси́
и сосу́дом благода́ти Бо́жия соде́лал еси́;
ра́дуйся, я́ко прише́дшу тебѣ́ в Алекса́ндрію
и́доли падо́ша.

Ра́дуйся, е́муже и бе́си повинуются; ра́дуйся,
я́ко от идолослуже́ния мно́гих отврати́л еси́.

Ра́дуйся, Спиридо́не, предивный чудотворче.

Кондак 11

Пѣние а́нгельское бысть, егда́ во хра́ме
приноси́л еси́, святителю́ Спиридо́не, вечернія



молітвы Твоя, и не бѣша сослужащии тебѣ. Жителие же града, дѣвное пѣние слышавше, внидоша в храм и, никогѣже видевше, с горными силами воспеваху: Аллилуиа.

Икос 11

Светозарное солнце мiрови, собесѣдник Ангелов был еси на земли, святителю Спиридоне; предав же дух твой в руке Божии, преселился еси в горняя селения, моляся за мир пред Престолом Владыки. Мы же, живущии на земли, вопием ти:

Радуйся, яко тебѣ, еще живу сущу, сослужаху Ангели; радуйся, псалмопѣние Архангелов слышавый.

Радуйся, видимый образе нашего преображения; радуйся, яко недоставшу елѣю в храме Бог тебѣ ради с избытком лампады наполни тем.

Радуйся, лампадо Божественнаго сияния; радуйся, сосуде благодати Божией, обильно, подобие елѣю, наполняющей душу твою.

Радуйся, неизсякаемый источник, присно источающий всем токи благодати; радуйся, о немже изумляются Ангели.

Радуйся, преслушание диакона в храме наказавый; радуйся, тщеславившагося своим гласом и гласа, и языка лишивый.



Ра́дуйся, я́ко во вре́мя знóя, внеза́пу роса́,
снизше́дшая свы́ше, священную твою́ главу́
прохлади́; ра́дуйся, в зна́мени сем б́лизость
преставле́ния своего́ прови́девай.

Ра́дуйся, Спиридо́не, предивный чудотво́рче.

Кондак 12

Покро́в и прибе́жище бы́вый всем к тебе́
притека́ющим ве́рным ещ́е в жити́и твоём, ты,
святите́лю, не оста́вил еси́ нас си́рых и по твоём
успе́нии; Бог, побежда́ющий естества́ чин, сохра-
ни́ святые́ мо́щи тво́я нетле́нными во укрепле́ние
правосла́вныя ве́ры и благоче́стия, в зна́мение
безме́ртвья, Егóже прославля́юще, вопие́м:
Аллилу́иа.

Икос 12

Воспева́ем тя, святите́лю Бо́жий, я́ко удиви́л
еси́ мир чудесе́, истека́ющими от святых́ мо́щей
твои́х. Все бо с ве́рою приходя́щие и лобыза́ющие
их получа́ют вся благопотре́бная проси́мая.
И мы, да́вшего тебе́ кре́пость, венча́вшего тя
венце́м нетле́ния и де́йствующаго тобо́ю Бо́га
прославля́юще, вопие́м ти:

Ра́дуйся, во вре́мя гла́да корабельником
яв́ивыйся, и пи́щу доста́вити повеле́вый;



ра́дуйся, слепы́м, с ве́рою прите́кшим к святы́м
мо́щем твои́м, зрѣние дарова́вый.

Ра́дуйся, от неисцѣльнѣя болѣзни о́трока
исцели́вый; ра́дуйся, бе́са из жены́ изгна́вый и
здра́ву сотвори́вый.

Ра́дуйся, возбу́ренный воево́до Керки́ры;
ра́дуйся, я́ко по́лчища злочести́вых ага́рян
изгна́л еси́ и кораблі́ их в пучи́не потопи́л еси́.
Ра́дуйся, егѡ́же видѣша окру́женнаго со́нмом
А́нгелов, в десни́це меч держа́вша и в трѣпет
враго́в привѣдша; ра́дуйся, создáти себѣ храм,
во е́же соверша́ти в нем литурги́ю на прѣсном
хлѣбе, воево́де возбу́ренный.

Ра́дуйся, воево́ду лати́нскаго лю́тою смѣртію
порази́вый; ра́дуйся, мо́лниею изображе́ние
егѡ́ в до́ме в Вене́ции соже́гший.

Ра́дуйся, отсту́пльства и лжемудрова́ния
За́пада посрами́вый; ра́дуйся, еди́ную
правосла́вную ве́ру бы́ти и́стинную и
спаси́тельную для челове́ков утверди́вый.

Ра́дуйся, Спиридо́не, предивны́й чудотворче!

Кондак 13

О пречу́дный святителю́ Христовъ, о́тче
Спиридо́не! Ны́нешнее на́ше молѣние приѣм,
изба́ви нас от всех бед и напа́стей, укрепи́ на враги́
страну́ на́шу, да́руй нам оставле́ние прегрешѣ́ний



и изми́ от вѣчныхъ смѣрти всехъ вопи́ющихъ о тебѣ́ к Бо́гу: Аллилу́иа!

(Этот кондак читается трижды).

Икос 1

От юности украшенный все́ми добродѣтелями, жити́емъ своимъ Ангеломъ подража́вый, ты, святителю Спиридо́не, вои́стинну показáлся еси́ другъ Христо́в; мы же, зря́ще тя, небеснаго челове́ка и земнаго Ангела, со благоговѣниемъ уми́льно вопи́емъ ти:

Ра́дуйся, уме́, созерца́я тайны Пресвяты́я Трои́цы; ра́дуйся, обогати́выйся Ду́ха пресвѣтлымъ осия́ниемъ.

Ра́дуйся, свети́льниче многосвѣтлый; ра́дуйся, умъ тво́й безстра́стиемъ просвети́вый.

Ра́дуйся, измла́да и́стинную простоту́ и безмо́лвие возлюби́вый; ра́дуйся, украше́ние целому́дрия.

Ра́дуйся, любве́ неистощи́мая струя́; ра́дуйся, я́ко страннолю́бию Авраа́ма подража́л еси́.

Ра́дуйся, я́ко всемъ любвеоби́льно вхо́ды до́ма своего́ отверза́л еси́; ра́дуйся, ни́щихъ предста́телю.

Ра́дуйся, предъ ни́мже благоговѣю́т лю́дие; ра́дуйся, я́ко ты еси́ обита́лице Пресвята́го Ду́ха.

Ра́дуйся, Спиридо́не, предивный чудотворче!



Кондак 1

Препросла́вленный от Го́спода святите́лю и чудотво́рче Спиридо́не! Ны́не всечестну́ю па́мять твою́ пра́зднующе, я́ко мно́го могу́щему споспéшествовати нам о просла́вльшем тя Христе́, умы́льно вопи́ем ти: изба́ви нас от вся́ких бед и зол, да с благодарéнием зовéм ти:
Ра́дуйся, Спиридо́не, предивный чудотво́рче!

МОЛИТВА

О Вели́кий и пречу́дный святите́лю Христов и чудотво́рче Спиридо́не, Керки́рская похвало́, всея́ вселénныя свети́льниче пресвётлый, тёплый к Бо́гу моли́твенниче и всем к тебе́ прибега́ющим и с véрою моля́щимся скоропредста́тельный засту́пниче! Ты véру правосла́вную на Нике́йстем Собо́ре посреде́ отце́в пресла́вно изъясни́л еси́, ты еди́нство Святы́я Трои́цы чуде́сною си́лою показáл еси́ и еретико́в до конца́ посрами́л еси́. Услы́ши нас, грéшных, святите́лю Христов, моля́щихся тебе́, и си́льным твои́м предста́тельством у Го́спода изба́ви нас от всяка́го зла́го обстоя́ния: от гла́да, пото́па, огня́ и смертоно́сныя я́звы. Ты бо во вре́менной жи́зни своéй от всех сих бédствий избавля́л еси́ люде́й твои́х: от нашéствия агáрян и от гла́да страну́ твою́ сохрани́л еси́, царя́ от неисцéльнаго недуга́



избáвил и многія грéшники к покая́нню привéл еси́, мёртвых преслáвно воскрешáл еси́, за свyтость же жити́я твоeго́ А́нгелы невидимо в цéркви пою́щия и сослужáщия тебе́ имéл еси́. Си́це úбо прослáви тебе́, вёрнаго Своeго́ раба́, Влады́ка Христóс, я́ко вся тáйная человéческая дея́ния дарова́ тебе́ разумéти и обличáти непра́ведно живу́щия. Мно́гим в скýдости и недоста́точестве живу́щим ты усéрдно помога́л еси́, лю́ди убóгия изобильно во вре́мя гла́да напитáл еси́ и и́на мно́га зна́мения си́лою в тебе́ живу́щаго Дýха Бóжия сотвори́л еси́. Си́це и нас не оста́ви, святителю́ Христóв, помина́й нас, чад свои́х, у Престо́ла Вседержи́теля и умоли́ Го́спода, да пода́ст мно́гих на́ших грехóв прощéние, безбéдное и ми́рное житиé да дáрует нам, кончи́ны же животá непосты́дныя и ми́рныя и блаже́нства вéчнаго в бýдущем ве́це сподóбит нас, да вы́ну возсыла́ем сла́ву и благодарéние Отцý, и Сы́ну, и Дýху Свято́му, ны́не, и прýсно, и во ве́ки веко́в. Ами́нь.





ЧТЕНИЕ АКАФИСТОВ В ХРАМЕ РОЖДЕСТВА ПРЕСВЯТОЙ БОГОРОДИЦЫ

В храме Рождества Пресвятой Богородицы (с. Три Озера, Спасского благочиния, Казанской митрополии, Чистопольской епархии) каждую субботу совершается молитва по соглашению – чтение акафиста святителю Спиридону Тримифунтскому (о пребывающих в судах, заключении тюремном, плену, об устройстве на работу) в 17.00 (по московскому времени). Эта молитва является молитвой по соглашению, многие люди молятся, находясь в разных местах, в одно и то же время, разъединённые подчас большими расстояниями, но объединённые общей церковной и частной молитвой.

Заказав акафист в нашем храме, нужно читать его и дома, в тот же день и в то же время, что и в нашем храме.

Имеются многие свидетельства от людей, получивших милость Божию после чтения акафиста.

Заказать акафист можно непосредственно в храме, а также почтовым переводом по адресу: 422845, РТ, Спасский район, с. Три Озера, ул. Матросова, д.4, Кавиной Татьяне Николаевне. В разделе «сообщения» указать имена и название акафиста. Дополнительная информация по номеру: 89274280503.